

ხელშეკრულება სახელმწიფო შესყიდვის შესახებ  
№GOG/CON/C/538/01

ქ. თბილისი

„ივნისი“ 2014წ

ერთის მხრივ სსიპ - საქართველოს მუნიციპალური განვითარების ფონდი (შემდგომში შემსყიდველი), წარმოდგენილი მისი აღმასრულებელი დირექტორის ბ-ნი გიორგი სომხიშვილის სახით და მეორე მხრივ შპს საპროექტო-საკვლევადიებო ინსტიტუტი „ტრანსპროექტი“ (შემდგომში - მიმწოდებელი) წარმოდგენილი მისი გენერალური დირექტორის ბ-ნი ტალი ტალიაშვილის სახით, სსიპ საქართველოს მუნიციპალური განვითარების ფონდის მიერ გამოცხადებული კონკურსის (N1262) შედეგად, ვდებთ წინამდებარე ხელშეკრულებას შემდეგზე:

**1. ხელშეკრულებაში გამოყენებული ტერმინების განმარტებები**

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მიმწოდებელ ორგანიზაციას შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელზედაც მხარეთა შორის გაფორმდა ხელშეკრულება.

1.3. „შემსყიდველი ორგანიზაცია“ (შემდგომში შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელთანაც შემსყიდველმა გააფორმა სახელმწიფო შესყიდვის შესახებ ხელშეკრულება და რომელიც ახორციელებს მომსახურების მიწოდებას სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული.

**2. ხელშეკრულების საგანი**

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს წინამდებარე ხელშეკრულების დანართებით (ტექნიკური დავალება) გათვალისწინებული პირობების შესაბამისად დღუშეთის მუნიციპალიტეტში, სოფელ როშკასა და არხოტის თემის სოფლების ახიელი-ჭიმლა-ამლას დამაკავშირებელი გზის მშენებლობა-რეაბილიტაციისათვის საჭირო დეტალური საპროექტო-სახარჯთაღრიცხვო დოკუმენტაციის შეგენის მომსახურება (შემდგომში მომსახურება) (cpv71320000), ხოლო შემსყიდველი კისრულობს ვალდებულებას მიიღოს მიწოდებული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

**3. ხელშეკრულების ღირებულება**

3.1. მთლიანი სახელშეკრულებო ღირებულება შეადგენს 210 000 (ორას ათი ათასი) ლარს;

3.2. ხელშეკრულების ღირებულება მოიცავს ყველა ხარჯს, რომელიც დაკავშირებული იქნება წინამდებარე ხელშეკრულების დანართით N1 (ტექნიკური დავალება) გათვალისწინებული მომსახურების მიწოდებისთვის გათვალისწინებულ ყველა ხარჯსა და მოსაკრებელს, წინასწარი ანგარიშსწორების (საავანსო გადახდის) საბანკო გარანტიის ხარჯს (ასეთის მოთხოვნის შემთხვევაში) და მიმწოდებლისთვის გათვალისწინებულ ყველა გადასახადსა და მოსაკრებელს.

**4. შესყიდვის ობიექტის მახასიათებლები და მიწოდების ვადები**

4.1. შესყიდვის ობიექტის მახასიათებლები, მომსახურების მიწოდებისთვის გასატარებელი ღონისძიებები, საპროექტო სახარჯთაღრიცხვო დოკუმენტაციის შემადგენლობა, მომსახურების მიწოდების პირობები და მიმწოდებლისთვის დადგენილი სხვა მოთხოვნები, რომელიც აუცილებელი იქნება მომსახურების გაწევისათვის მოცემულია ხელშეკრულების დანართში N1

(ტექნიკური დავალება), რომელიც წარმოადგენს წინამდებარე ხელშეკრულების განუყოფელ ნაწილს.

4.2. მომსახურების მიწოდებისას მიმწოდებელმა უნდა გაითვალისწინოს საქართველოში მოქმედი სამართლებრივი აქტებით დადგენილი ყველა მოთხოვნა, რომელიც დაკავშირებული იქნება მომსახურების გაწევასთან, ასევე მიწოდებული მომსახურება უნდა შეესაბამებოდეს აღნიშნული მომსახურებისათვის დადგენილ საერთაშორისო სტანდარტებსა და მოთხოვნებს.

4.3. მომსახურებისა და მისი ეტაპების გაწევის ვადა მოცემულია ხელშეკრულების დანართში N1 (ტექნიკური დავალება).

## 5. ხელშეკრულების შესრულების კონტროლი

5.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

5.2 ხელშეკრულების მიმდინარეობის კონტროლის მიზანს წარმოადგენს:

5.2.1 მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

5.2.2 მიწოდებული მომსახურების ხარისხის ხელშეკრულებით გათვალისწინებულ მოთხოვნებთან შესაბამისობის დადგენა, მომსახურების განხილვა-შეთანხმება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში შესაბამისი ინსპექტირების დასკვნის შედგენა.

5.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

5.3 ხელშეკრულების შესრულების კონტროლს ახორციელებს სსიპ საქართველოს მუნიციპალური განვითარების ფონდის პროექტების შეფასების შეფასების სამსახურის საინჟინრო შეფასების სპეციალისტი ბ-ნი თენგიზ ლაკირბაია.

## 6. ქვეკონტრაქტორები

6.1. ხელშეკრულების მიმდინარეობის ნებისმიერ ეტაპზე მიმწოდებელი უფლებამოსილია უზრუნველყოს მომსახურების გაწევა ქვეკონტრაქტორ(ებ)ის მონაწილეობით.

6.2. ქვეკონტრაქტორ(ებ)ის მეშვეობით მომსახურების გაწევის უფლების მიღება მიმწოდებელს გააჩნია მხოლოდ შემსყიდველთან შეთანხმების საფუძველზე, აღნიშნული უფლების მისაღებად მიმწოდებელმა უნდა წარმოადგინოს ქვეკონტრაქტორ(ებ)თან გაფორმებული ხელშეკრულებ(ებ)ი ქვეკონტრაქტით გასაწევი მომსახურების შესახებ ინფორმაციის მითითებით.

6.3. ქვეკონტრაქტ(ებ)ით გასაწევი მომსახურების (ასეთის არსებობის შემთხვევაში) ღირებულება არ უნდა აღემატებოდეს სახელშეკრულებო ღირებულების 40%-ს.

6.4. ქვეკონტრაქტორ(ებ)ის მიერ ნაკისრი ვალდებულებების შეუსრულებლობით ან არაჯეროვანი შესრულებით დამდგარ შედეგზე შემსყიდველის წინაშე პასუხისმგებელია მხოლოდ მიმწოდებელი.

6.5. შემსყიდველისთვის ქვეკონტრაქტორ(ებ)ის მიერ გაწეული მომსახურების მიწოდებას და შესაბამისად მომსახურების ჩაბარებას უზრუნველყოფს მიმწოდებელი.

6.6. ქვეკონტრაქტორ(ებ)ის მიერ გაწეული მომსახურების ღირებულების ანგარიშსწორება განხორციელდება მიმწოდებელთან წინამდებარე ხელშეკრულებით გათვალისწინებული პირობების შესაბამისად.

## 7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად.

7.2. მომსახურების წარდგენისა და მიღება-ჩაბარების პირობები მოცემულია ხელშეკრულების დანართში N1 (ტექნიკური დავალება).

7.3. შემსყიდველის მხრიდან მომსახურების მიღება-ჩაბარებაზე უფლებამოსილი პირი არის სსიპ საქართველოს მუნიციპალური განვითარების ფონდის პროექტების შეფასების შეფასების

სამსახურის საინჟინრო შეფასების სპეციალისტი ბ-ნი თენგიზ ლაკირბაია.

## 8. ანგარიშსწორება

8.1. ანგარიშსწორება მიმწოდებელთან განხორციელდება ლარებში, უნაღლო ანგარიშსწორების ფორმით.

8.2. ანგარიშსწორება განხორციელდება მიმწოდებლის საბანკო რეკვიზიტებზე.

8.3. ანგარიშსწორება მიმწოდებელთან განხორციელდება გაფორმებული მიღება-ჩაბარების აქტისა და დადგენილი წესით საგადასახადო ანგარიშფაქტურის წარდგენის საფუძველზე.

8.4. ანგარიშსწორება მიმწოდებელთან განხორციელდება მიმწოდებლის მიერ ხელშეკრულების

8.3. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

8.5. მიმწოდებლის მოთხოვნის შემთხვევაში შესაძლებელია განხორციელდეს წინასწარი ანგარიშსწორება, მიმწოდებლის მიერ შესაბამის თანხაზე საქართველოში მოქმედი საბანკო დაწესებულებიდან გაცემული, შემსყიდველთან შეთანხმებული შინაარის, უპირობო, გამოუთხოვადი წინასწარი ანგარიშსწორების (საავანსო) გარანტიის წარმოდგენის საფუძველზე, რომლის მოქმედების ვადა მინიმუმ 30 კალენდარული დღით უნდა აღემატებოდეს მომსახურების მიწოდების საბოლოო ვადას.

8.6. წინასწარი ანგარიშსწორება მიმწოდებელთან განხორციელდება წინამდებარე ხელშეკრულების

8.5. პუნქტით გათვალისწინებული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 10 კალენდარული დღის განმავლობაში.

8.7. მიმწოდებლის მოთხოვნის შემთხვევაში ანგარიშსწორება მომსახურების ცალკეულ ეტაპებზე განისაზღვრება შემდეგი პროპორციით:

8.7.1. საძიებო-კვლევითი სამუშაოების ანგარიშისა და ძირითადი ტექნიკური გადაწყვეტილებების წარმოდგენისა და მოწონების შემდეგ 84000 (ოთხმოცდაოთხი ათასი) ლარი;

8.7.2. წინასწარი დეტალური პროექტის ანგარიშის წარმოდგენის შემდეგ 105000 (ასხუთი ათასი) ლარი;

8.7.3. საბოლოო დეტალური პროექტის წარმოდგენის, ასევე შემსყიდველის მიერ საბოლოოდ მოწონებისა და ექსპერტიზის შენიშვნების ამოწურვის შემდეგ 21000 (ოცდაერთი ათასი) ლარი.

## 9. მომსახურების ხარისხი და გარანტია

მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და შესრულებული იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით უზრუნველყოს გამოვლენილი ხარვეზის გამოსწორება.

## 10. შესყიდვის ობიექტის საკუთრება, კონფიდენციალურობა და სავტორო უფლება

10.1. მიმწოდებლის მიერ მიწოდებული საპროექტო-სახარჯთაღრიცხვო დოკუმენტაცია და საპროექტო სახარჯთაღრიცხვო დოკუმენტაციით გათვალისწინებული ყველა სახის მასალა (გამოკვლევა, ანგარიშები ან სხვა მასალები, გრაფიკა, პროგრამული უზრუნველყოფა და სხვა დოკუმენტები) მიღება-ჩაბარების აქტის გაფორმების დღიდან წარმოადგენს შემსყიდველის საკუთრებას.

10.2. წინამდებარე ხელშეკრულების მოქმედების ვადაში და მისი შეწყვეტის შემდგომაც მიმწოდებელმა უნდა უზრუნველყოს საპროექტო-სახარჯთაღრიცხვო დოკუმენტაციისა და მისი შემადგენელ ყველა ნაწილთან დაკავშირებულ ინფორმაციის კონფიდენციალურობის დაცვა.

10.3. საავტორო უფლების საკითხი რეგულირდება მოქმედი კანონმდებლობის შესაბამისად.

## 11. მხარეთა ვალდებულებები

11.1. მიმწოდებელი ვალდებულია:

11.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

11.1.2. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

11.2. შემსყიდველი ვალდებულია:

11.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება.

11.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

11.2.3. დაიცვას ხელშეკრულებით გათვალისწინებული ყველა პირობა.

## 12. მხარეთა უფლებები

12.1 მიმწოდებელს უფლება აქვს:

12.1.1 ხელშეკრულების ფარგლებში მოითხოვოს დროული და სრული დაფინანსება.

12.2 შემსყიდველს უფლება აქვს:

12.2.1 აწარმოოს მიმწოდებლის მიერ წინამდებარე ხელშეკრულებით ნაკისრი ვალდებულებების კონტროლი.

## 13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 14. ხელშეკრულების პირობების და ფასების გადასინჯვა

14.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

14.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

14.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

## 15. სადაო საკითხების გადაწყვეტა

15.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის მიხედვით მიმართოს საქართველოს სასამართლოს.

## 16. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## 17. სახელმწიფო შესყიდვების შესახებ ხელშეკრულების შესრულების უზრუნველყოფა

17.1. მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის გამო რისკის თავიდან აცილების მიზნით, წინამდებარე ხელშეკრულება უზრუნველყოფილია არანაკლებ სახელშეკრულებო ღირებულების 2%-ის ოდენობის ხელშეკრულების შესრულების უზრუნველყოფის საბანკო გარანტიით.

17.2. იმ შემთხვევაში თუ მიმწოდებელი ხელშეკრულებით გათვალისწინებულ ვადაში ობიექტური მიზეზების გამო ვერ უზრუნველყოს მომსახურების მიწოდებას და მხარეები შეთანხმდებიან ამ ვადის გაგრძელებაზე მიმწოდებელი ვალდებულია წარმოადგინოს გაგრძელებული ვადით ან/და ახალი ხელშეკრულების შესრულების უზრუნველყოფის საბანკო გარანტია, რომლის მოქმედების ვადა მინიმუმ 30 (ოცდაათი) დღით უნდა აღემატებოდეს გაგრძელებულ ვადას.

17.3. იმ შემთხვევაში თუ, წინამდებარე ხელშეკრულება შეწყდა მიმწოდებლის მიერ ნაკისრი ვალდებულებების შეუსრულებლობის ან არაჯეროვანი შესრულების გამო შესყიდველი უფლებამოსილია მიმართოს საბანკო გარანტიის გამცემ ორგანოს (გარანტი) და გამოითხოვოს ხელშეკრულების შესრულების უზრუნველყოფის საბანკო გარანტიით გათვალისწინებული თანხა.

17.3. საბანკო გარანტია მიმწოდებელს დაუბრუნდება მიმწოდებლის მიერ ხელშეკრულებით ნაკისრი ვალდებულებების სრულად შესრულებისას.

## 18. ხელშეკრულების პირობების შეუსრულებლობა

18.1. მიმწოდებელი კისრულობს პასუხისმგებლობას ხელშეკრულებით გათვალისწინებული მომსახურების მიწოდების ვადების დარღვევის შემთხვევაში შემსყიდველის წერილობითი მოთხოვნის საფუძველზე გადაუხადოს შემსყიდველს პირგასამტეხლო ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

18.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

18.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

18.4. იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

## 19. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

19.1. მხარეთა შეთანხმებით;

19.2. ხელშეკრულების 18.4. პუნქტით გათვალისწინებული პირობის არსებობისას;

19.3. საქართველოს მოქმედი კანონმდებლობით გათვალისწინებულ სხვა შემთხვევებში.

## 20. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2015 წლის 01 თებერვლის ჩათვლით ან მხარეთა მიერ ნაკისრი ვალდებულებების სრულად შესრულებამდე,

რომელიც უფრო ადრე დადგება.

**21. განსაკუთრებული პირობები**

22.1 ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს;

22.2 ხელშეკრულების ერთი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.

**“შემსყიდველი“**

სსიპ „საქართველოს მუნიციპალური განვითარების ფონდი“

ს/კ 206074193

ქ.თბილისი აღმაშენებლის გამზირი N150

ს/ს ბანკი რესპუბლიკა

ბანკის კოდი № 220 101 757

ა/ა GE34BR0000010975120582

**„მიმწოდებელი“**

შპს საპროექტო-საკვლევადიებო

ინსტიტუტი „ტრანსპროექტი“

ს/კ 204986195

ქ. თბილისი, თამარაშვილის N13

ტელ: 577720776

ელფოსტა: transproject@caucasus.net

სს “ვი თი ბი ბანკი”

ბანკის კოდი UGEBGE22

ა/ა GE81VT6600000044445555




**გიორგი ხოსთავი**

აღმასრულებელი დირექტორი



**ტალი ტალიაშვილი**

გენერალური დირექტორი



დუშეთის მუნიციპალიტეტში, სოფელ როშკასა და არხოტის თემის სოფლების ახიელი-ჭიმლა-ამლას დამაკავშირებელი გზის მშენებლობისათვის საჭირო დეტალური საპროექტო-სახარჯთაღრიცხვო დოკუმენტაციის მოსამზადებლად  
ტექნიკური დავალება

წინამდებარე ტექნიკური დავალება აღწერს მიმწოდებლის (კონსულტანტი) მიერ განსახორციელებელ მომსახურებას, დავალების მიზნებს, მისი შესრულებისათვის საჭირო სამოქმედო პრინციპებს, საშუალებებსა და ძირითად საბაზისო მონაცემებს.

დავალება ითვალისწინებს საქართველოს მთავრობის 2014 წლის 31 მარტის №538 განკარგულებით განსაზღვრული როშკა-არხოტის უღელტეხილი-ამლის საავტომობილო გზის კმ0+000-კმ22+000 და ახიელი-ჭიმლას მისასვლელი საავტომობილო გზის კმ0+000-კმ2+000 მშენებლობისთვის საჭირო საპროექტო კვლევების ჩატარებასა და შესაბამისი დეტალური საპროექტო-სახარჯთაღრიცხვო დოკუმენტაციის შედგენას.

**I. ასაშენებელი გზის მოკლე დახასიათება**

საავტომობილო გზის დასაწყისი განისაზღვროს სოფელ როშკიდან. გაივლის ღრმა ხეობებს და უღელტეხილით გადადის მდ. ასას ხეობაში. სოფელ ახიელის გავლით მთავრდება სოფ. ამლაში. არსებული გზა ვიწრო ბილიკების სახით (საავტომობილო გზა არ არსებობს) გადის დაუსახლებელ ადგილებში, ალპურ ფერდობებსა და ხეობებში, მათ შორის გვხვდება მეწყრული მონაკვეთები. იგი კვეთს როგორც მშრალ ხეობებს, ასევე მცირე მდინარეებს.

აგრეთვე სოფელ ახიელის და სოფელ ჭიმლას დამაკავშირებელი გზა იგივე რელიეფურ პირობებში.

**II. მომსახურების მიზანია:**

(i) საპროექტო მონაკვეთზე დაახლოებით 24 კმ, (მანძილი დაზუსტდეს პროექტის დამუშავების დროს) გზის ძირითადი ტექნიკური და ზოგადი სატრანსპორტო მახასიათებლებისა და მონაცემების განხილვა, შესწავლა და გაანალიზება, ეკონომიკური შეფასებებისა და ამ დავალებით განსაზღვრული ტექნიკური პარამეტრების გათვალისწინებით;

(ii) ტოპოგრაფიული და კლიმატური სირთულეებიდან გამომდინარე შესაძლებლობის ფარგლებში სრული საპროექტო კვლევის ჩატარება სააშენებლო მონაკვეთზე (დაახლოებით 24 კმ).

(iii) საპროექტო კვლევა უნდა მოიცავდეს ალტერნატიული მიმართულების შედარებასა და რეკომენდირებული ვარიანტის ტექნიკურ კვლევას. კვლევის საფუძველზე გზის პროექტირებასა და ხარჯთაღრიცხვის შედგენას, ეკონომიკურ ანალიზს, მოსაზრებებს პროექტის განხორციელებასთან დაკავშირებით.

(iv) დაგეგმილი სააშენებლო სამუშაოებისათვის საპროექტო-სახარჯთაღრიცხვო და სატენდერო დოკუმენტაციათა პაკეტის მომზადებასა და წარდგენას;

**III. მიმწოდებელი (კონსულტანტი) ვალდებულია:**

1. შეისწავლოს როშკა-არხოტის უღელტეხილი-ამლის საავტომობილო გზის კმ0+000-კმ22+000 (სიგრძე დაზუსტდეს პროექტით) მიმართულების სხვადასხვა ვარიანტი მაღალმთიან პირობებში ტრანსპორტის მოძრაობის სირთულის გათვალისწინებით.

2. საბოლოოდ შერჩეულ ვარიანტებს შორის, თავისი შეფასებებისა და ტექნიკურ-ეკონომიკურ გაანალიზებაზე დაყრდნობით წარუდგენოს შემსყიდველს მის მიერ რეკომენდირებული ვარიანტი გზის კონკრეტული მიმართულების მიხედვით.

3. შემსყიდველის მიერ განხილული და შეთანხმებული შერჩეული ვარიანტის მიხედვით მოამზადოს მშენებლობისათვის საჭირო დეტალური პროექტი, რომლის პარამეტრები შესაძლებლობის ფარგლებში უნდა შეესაბამებოდეს საქართველოში მოქმედი ნორმატივების მოთხოვნებს მაღალმთიანი პირობებისათვის (როგორც არის გზის გაბარიტი, ჰორიზონტალური და ვერტიკალური მრუდები, განივი პროფილები და სხვა).

4. წარმოდგინოს შესაბამისი საპროექტო-სახარჯთაღრიცხვო და სატენდერო დოკუმენტაციები.

ამისათვის გზის საპროექტო მონაკვეთზე ავტოტრანსპორტის მოძრაობის უზრუნველყოფისა და სამუშაოების ოპტიმალური ღირებულების მიღების მიზნით:

ა). საავტომობილო გზის სამშენებლო სამუშაოებისათვის საჭირო საპროექტო მომსახურება განხორციელოს საგზაო სამუშაოების კლასიფიკაციის ინსტრუქციის შესაბამისად (საუწყებო სამშენებლო ნორმები);

ბ). საკვლევაძიებო და საპროექტო სამუშაოების შესრულებისათვის მოახდინოს დაინტერესებულ ორგანიზაციებთან და პირებთან პროექტის საჭირო წინასწარი შეთანხმებები (გარდა სამშენებლო მოედნის, ტერიტორიის გამოყოფისა და განთავისუფლების, რომელიც წარმოადგენს შემსყიდველის მოვალეობას);

#### IV. პროექტის განხორციელების წყარო

მშენებლობის დაფინანსება განხორციელდება საქართველოს 2014-2015 წლების სახელმწიფო ბიუჯეტის ასიგნებათა ფარგლებში.

#### V. მშენებლობა ითვალისწინებს:

ა). შესრულდეს საჭირო საგზაო სამუშაოები, რომლებიც უზრუნველყოფენ გზის გამტარუნარიანობას;

ბ). საქართველოში მოქმედი ტექნიკური და მაღალმთიანი პირობების შესაბამისად გზის გეგმის, გრძივი და განივი პროფილების გეომეტრიული მაჩვენებლების მოწყობას. გზის ვაკისის სიგანე განისაზღვროს 6,5 მ, ხოლო სავალი ნაწილის სიგანე 4,5 მეტრით;

გ). ხიდებისა და სხვა ხელოვნური ნაგებობების მოწყობას 40 ტონა საანგარიშო დატვირთვების მიხედვით, გაბარიტებით 6,5 მ და ტროტუარების გარეშე.

#### VI. სამშენებლო სამუშაოებისათვის საჭირო საპროექტო დოკუმენტაციის შემუშავების ტექნიკური სპეციფიკაციები

საავტომობილო გზის მშენებლობის სამუშაოების ჩამონათვალი და მისი სავარაუდო ღირებულებები ყველა შემთხვევაში განისაზღვრება საპროექტო მონაკვეთზე გათვალისწინებული საგზაო და არსებული რელიეფური პირობებით.

##### 1. სავლე საკვლევაძიებო სამუშაოებზე ჩასატარებელი საორიენტაციო სამუშაოები

ითვალისწინებს:

- მოსამზადებელი სამუშაოების ჩატარებას სავლე სამუშაოებისათვის;
- რელიეფის ტოპოგრაფიულ გადაღებას გზის ღერძიდან ორივე მხარეს, რომელიც დამუშავებული უნდა იყოს აბსოლუტურ UTM კოორდინატთა სისტემაში;
- განივი პროფილების გადაღებას მახასიათებელ წერტილებში (განისაზღვროს ადგილზე);
- საჭიროების შემთხვევაში, მუდმივი რეპერების მოწყობას ტრასის მისაბმელად ხელოვნურ ნაგებობებთან;
- სახიდე გადასასვლელების, მცირე ხელოვნური ნაგებობების მოწყობის ადგილების შესრულებას ისეთი მოცულობით, რაც საკმარისი იქნება შემდგომი დაპროექტებისათვის;

##### 2. კამერალური სამუშაოები

- გზის ტრასის სიტუაციური გეგმა დაპროექტების სირთულის პირობების მიხედვით გამოიხაზოს რთული რელიეფის პირობებში მასშტაბში 1 : 1000; გადაკვეთილი რელიეფის პირობებში მასშტაბში 1 : 2000;
- გზის გრძივი პროფილი გამოიხაზოს გადაკვეთილი რელიეფის პირობებში მასშტაბში 1 : 2000 ხოლო რთული რელიეფის პირობებში მასშტაბში 1 : 1000
- განივი პროფილები გამოიხაზოს რთული რელიეფის პირობებში მასშტაბში 1 : 100 სწორ ადგილებში მასშტაბში 1 : 200;
- ტოპოგრაფიული გეგმები გამოიხაზოს ნორმალურ პირობებში მასშტაბში 1 : 1000;
- სიტუაცია ტრასის გეგმაზე და გრძივ პროფილზე დატანილ იქნას სამშენებლო ნორმებით განსაზღვრული პირობითი ნიშნების გამოყენებით;

##### 3. ხელოვნური ნაგებობებისათვის

უნდა შესრულდეს შემდეგი სახის საინჟინრო ჰიდროლოგიური და გეოლოგიური სამუშაოები:



- განისაზღვროს წყალშემკრები აუზები ხელოვნური ნაგებობებისათვის (ხიდები, მილები) და დათვლილ იქნას წყლის ხარჯები ნაგებობების ხვრეტების განსაზღვრის მიზნით;
- ხელოვნური ნაგებობების დაპროექტებისათვის გამოყენებული იქნაც საფონდო მასალები.

4. გზის ტრასის საინჟინრო- გეოლოგიური კვლევის საორიენტაციო სამუშაოები  
 -საპროექტო გზის ტრასის წინასწარი საინჟინრო-გეოლოგიურ კვლევა (შურფების გამოყენებით), ვიზუალური დათვალიერება და საფონდო მასალები.

## VII. საჭირო სპეციალისტები

მიმწოდებელი (კონსულტანტი) ვალდებულია ჰქონდეს კარგი გამოცდილება საავტომობილო გზების (განსაკუთრებით მთიან პირობებში) პროექტირების, წინასწარი საპროექტო კვლევების და ეკონომიკური ანალიზების თვალსაზრისით.

მას უნდა ჰყავდეს გამოცდილი სპეციალისტებით დაკომპლექტებული გუნდი, რომლებიც ადგილზე (ველზე) განახორციელებენ მომსახურებისა და დავალების შესრულებისათვის საჭირო საინჟინრო საქმიანობას, რისთვისაც, როგორც მინიმუმ, აუცილებელია ჰყავდეთ:

1. გუნდის ხელმძღვანელი – საგზაო/სამოქალაქო ინჟინერი არანაკლებ 10 წლიანი გამოცდილებით;
  2. ხელოვნური ნაგებობების ინჟინერი – არანაკლებ 10 წლიანი გამოცდილებით;
  3. ტოპოგრაფიული კვლევის სპეციალისტი – არანაკლებ 8 წლიანი გამოცდილებით;
  4. ინჟინერ-გეოლოგი – არანაკლებ 10 წლიანი გამოცდილებით;
  5. ჰიდროლოგი – არანაკლებ 5 წლიანი გამოცდილებით;
  6. შესყიდვების/კონტრაქტების სპეციალისტი – არანაკლებ 5 წლიანი გამოცდილებით;
  7. ხარჯთაღრიცხვის სპეციალისტი – არანაკლებ 5 წლიანი გამოცდილებით;
- საგზაო ინჟინერი – არანაკლებ 10 წლიანი გამოცდილებით;

მიწოდებლისთვის (კონსულტანტი) რეკომენდირებულია იქონიოს მჭიდრო სამუშაო კონტაქტები და კონსულტაციები შემსყიდველთან, ძირითადი და საკვანძო საკითხების გაანალიზებისა და გადაწყვეტის პროცესში. იგი ვალდებულია გაითვალისწინოს შემსყიდველის კომენტარები და შენიშვნები და მოახდინოს შესაბამის ანგარიშებში სათანადო კორექტირება, ხელშეკრულების ვადის საბოლოო ამოწურვამდე.

## VIII. პროექტირების მომსახურების გრაფიკი, ანგარიშების წარმოდგენის ვადები

მიმწოდებელი (კონსულტანტი) ვალდებულია:

ხელშეკრულების ხელმოწერის შემდეგ, შესაბამისი კლიმატური პირობების დადგომისთანავე, დაიწყოს მომსახურების განხორციელება, რისთვისაც:

- არაუგვიანეს 7 დღისა წარუდგინოს შემსყიდველს მომსახურების დაზუსტებული სამუშაო გრაფიკი;

- არაუგვიანეს 60 დღეში წარმოადგინოს შესრულებული საველე-კვლევითი სამუშაოები და წინასწარი ტექნიკური გადაწყვეტილებები შემსყიდველთან შესათანხმებლად და დასამტკიცებლად;

- არაუგვიანეს 120 დღეში წარმოადგინოს დეტალური პროექტის წინასწარი ვერსია შესათანხმებლად და განსახილველად;

- არაუგვიანეს 140 დღეში წარმოადგინოს საბოლოო დეტალური პროექტის საბოლოო ანგარიში;

შემსყიდველი წარმოდგენილ ანგარიშებს განიხილავს ეტაპების შესაბამისად, არაუგვიანეს 5 სამუშაო დღის ვადაში.

მომსახურების ხანგრძლივობა (შემსყიდველის მიერ ჩატარებული ექსპერტიზის შენიშვნებზე პასუხის მომზადების და პროექტის კორექტირების ჩათვლით) შეადგენს 140 დღეს;

საბოლოო ანგარიში უნდა მოიცავდეს მშენებლობის სრულ და დეტალურ საპროექტო დოკუმენტაციას, ხარჯთაღრიცხვას და სატენდერო დოკუმენტაციის სრულ პაკეტს;

ანგარიშების რაოდენობა შესრულებული ქართულ ენაზე უნდა იყოს – 6 ეგზემპლარი + ელ. ვერსია – 2 CD

მიმწოდებელმა (კონსულტანი) უნდა გაითვალისწინოს, რომ ანგარიშები (ასევე ელექტრონული ვერსიები). წარმოდგენილი უნდა იქნას შემსყიდველთან შეთანხმებულ ვადებში, რისთვისაც მიმწოდებელმა (კონსულტანტი) წინასწარ უნდა იზრუნოს.

#### **IX. განსაკუთრებული პირობები**

მიმწოდებელი (კონსულტანტი) ვალდებულია აღნიშნული პროექტის განხორციელების მთელი პერიოდის განმავლობაში (საჭიროების შემთხვევაში), მათ შორის საპროექტო მომსახურების ხელშეკრულების ვადის გასვლის შემდგომ მონაწილეობა მიიღოს საპროექტო გადაწყვეტილებათა ცვლილებების შეთანხმებაში.

#### **X. რეკომენდირებული სტანდარტები**

რეკომენდირებულია და მიმწოდებელი (კონსულტანტი) ვალდებულია პროექტის განხორციელებისას იხელმძღვანელოს საქართველოს საერთო სარგებლობის საავტომობილო გზების გეომეტრიული და სტრუქტურული სტანდარტებითა და საქართველოში მოქმედი სხვა სტანდარტებისა და სამშენებლო ნორმებისა და წესების მოთხოვნებით.

ნორმებში რაიმე განსხვავებული დაშვებების აუცილებლობის შემთხვევაში, სპეციფიური ნორმის დაშვებისა, ან მისი შეზღუდვის საკითხი წინასწარ უნდა იქნას შემსყიდველთან შეთანხმებული

06-06.14 №

ხელშეკრულების შესრულების  
საგარანტიო უზრუნველყოფა  
№BGMP0175/060614

**გარანტი:** სს „ვითიბი ბანკი ჯორჯია“, ს/კ 202906427  
**პრინციპალი:** შპს „საპროექტო-საკვლევადიებო ინსტიტუტი ტრანსპროექტი“, ს/კ 204986195  
**ბენეფიციარი:** საქართველოს მუნიციპალური განვითარების ფონდი  
**საგარანტიო თანხა:** 4,200 (ოთხი ათას ორასი) ლარი

მხედველობაში ვიღებთ რა, რომ ბენეფიციარსა და პრინციპალს შორის დუშეთის მუნიციპალიტეტში, სოფელ რომკასა და არხოტის თემის სოფლების ახიელი-ჭიმდა-ამლას დამაკავშირებელი გზის მშენებლობა-რეაბილიტაციისთვის საჭირო დეტალური საპროექტო სახარჯთაღვრიცხვო დოკუმენტაციის შედგენის მომსახურების სახელმწიფო შესყიდვაზე (CPV 71320000)(კონკურსის N.1262) ფორმდება ხელშეკრულება, რომელიც ითვალისწინებს კონტრაქტის პირობების შესრულების გარანტიის წარმოდგენას, ჩვენ თანახმა ვართ გავცეთ ზემოთ აღნიშნული გარანტია, ამასთან დაკავშირებით ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე 4,200 (ოთხი ათას ორასი) ლარი და ვკისრულობთ ზემოაღნიშნული თანხის გადახდას პრინციპალის მიერ ხელშეკრულების პირობების დარღვევის შემთხვევაში თქვენი პირველივე წერილობითი მოთხოვნისთანავე, მოთხოვნის წარმოდგენიდან არაუგვიანეს 5 (ხუთი) საბანკო დღის განმავლობაში. მოთხოვნაში ან მის დანართში ასახული უნდა იყოს ის გარემოება, თუ რაში გამოიხატება პრინციპალის მხრიდან ზემოთ მითითებული ხელშეკრულების ფარგლებში ვალდებულების დარღვევა. წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს 2014 წლის 15 დეკემბრის ჩათვლით. აღნიშნულიდან გამომდინარე ნებისმიერი მოთხოვნა ან პრეტენზია ბანკის მიერ მიღებულ უნდა იყოს საბანკო გარანტიის ვადის გასვლამდე შემდეგ მისამართზე: სს „ვითიბი ბანკი ჯორჯია“, გ.ჭანტურიას ქ.№14, 0114 თბილისი, საქართველო.

საბანკო გარანტია ავტომატურად უქმდება:

- ბენეფიციარისთვის იმ თანხის გადახდით, რომელზედაც გაიცა გარანტია;
- საბანკო გარანტიის ვადის გასვლით;
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით და/ან საბანკო გარანტიის ორიგინალის დაბრუნებით.

საბანკო გარანტიის გარშემო წამოჭრილი დავა გადაწყდება საქართველოს მოქმედი კანონმდებლობის შესაბამისად.

დირექტორი  
ვალერიან გაბუნია

